

Շոգովուրդ

129
(3160)

25 սեպտեմբերի հինգշաբթի 2025
տպագրության ԺԴ տարի

Է. Երեւան, Արմավյան 22ա/3 (0010) + 374 10 546423 @ info.armlur@gmail.com, info.zhoghovurd@gmail.com

100 դրամ

ԳՈՐԾԸՆԿԵՐՆԵՐԸ ՓԱՇԻՆՅԱՆԻՆ ԵՎ ՄԻՐԶՈՅԱՆԻՆ ՆՎԵՐՆԵՐ ԵՆ ՏՎԵԼ



Վարչապետ Նիկոլ Փաշինյանի եւ արտաքին գործերի նախարար Արարատ Միրզոյանի՝ պետական պատվիրակությունների այցերից ստացած նվերները հերթով հայտնվել են Կոռուպցիայի կանխարգելման հանձնաժողովի ռեեստրում:

Ի՞նչ նվերներ են ստացել Նիկոլ Փաշինյանը եւ Արարատ Միրզոյանը, ո՞րն կողմից եւ որքան արժեն դրանք

Վարչապետը Պեկին մեկնելուց հետո նվերներով է վերադարձել: Ենթակառուցվածքային ներդրումների ասիական բանկի նախագահ Լիցզյուն Շինը Փաշինյանին նվիրել է դեկորատիվ համայնապատկերային նկար՝ կատարված ոսկեգույն ֆոնի վրա:

Նվերն արժեցել է 428 հազար 624 ՀՀ դրամ:

Նիկոլ Փաշինյանը Ալմաթի այցից հետո եւս առանց նվերի չի մնացել, եւ այն ոչ պակաս թանկարժեք է եղել:

Փաշինյանին նվիրել են նկար՝ «Սպիտակ յուրատ լեռներում» վերնազրով, նկարիչ Նադիր Բաբամուրատովի հեղինակմամբ: Այն արժեցել է 365 հազար 826 ՀՀ դրամ:

Հայաստան-Թուրքիա հարաբերությունների կարգավորման գործընթացի հատուկ ներկայացուցիչ Սերգար Քըլլըջը սեպտեմբերի 12-ին Հայաստանում էր: Նա արտաքին գործերի նախարար Արարատ Միրզոյանի համար նվեր էր բերել: Թուրք գործընկերը Միրզոյանին նվիրել է զարդանախշերով ապակե թաս, որն արժեցել է 73 հազար 473 հազար ՀՀ դրամ:

Հիշեցնենք, որ հանրային պաշտոն զբաղեցնող անձանց եւ հանրային ծառայողներին, եթե որեւէ նվեր է տրվում իրենց պաշտոնական (ծառայողական) պարտականությունների իրականացման առնչվող, ապա անկախ դրա չափից, գնից, եթե անգամ այն արժե 100 դրամ, չեն կարող ընդունել:

Մանրամասները՝ ArmLur.am կայքում:


Սեպտեմբերի 26-ին Ազգային ժողովում նախատեսվում են խորհրդարանական լսումներ իմպիչմենտի վերաբերյալ: Նախաձեռնությունը ներկայացրել է ԱԺ «Պատիվ ունեմ» խմբակցությունը: «Ժողովուրդ» օրաթերթի տեղեկություններով՝ լսումներին հրավիրված են տարբեր քաղաքական ուժերի առաջնորդներ, հասարակական կազմակերպությունների ներկայացուցիչներ եւ գործիչներ: Նրանք հնարավորություն կունենան հանդես գալու ելույթներով՝ ներկայացնելով իրենց դիրքորոշումները գործող իշխանության եւ իմպիչմենտի վերաբերյալ: Միեւնույն ժամանակ խորհրդարանի շենքի առջեւ ակնկալվում է հանրահավաք: Ինչպես հայտնի դարձավ մեզ, հանրահավաքը կազմակերպել է հասարակական գործիչ Էդգար Ղազարյանը: Միջոցառումը կկայանա ԱԺ-ի Բաղրամյան-Ղեմիրճյան մուտքերի մոտ, որից հետո նախատեսվում է երթ: Այս զարգացումները վկայում են, որ քաղաքական դաշտում լարվածությունը չի թուլանում: Իմպիչմենտի թեման, որը վերջին ամիսներին ակտիվորեն շրջանառվում է ընդդիմության շրջանակներում, հասել է նոր փուլ: Ակնհայտ է՝ թե՛ խորհրդարանի դահլիճում, թե՛ փողոցում հնչելու են ծանրակշիռ գնահատականներ եւ սուր քննադատություններ:



Փետրվարի 5-ին Մերձավանում հնչած կրակոցները դարձան այս տարվա ամենասարսափելի դեպքերից մեկը: Այդ օրը սպանվեց համայնքի այն ժամանակվա ղեկավար, ՔՊ-ական Սիեր Աղթոյանի հորաքրոջ որդին՝ 29-ամյա Գրիգոր Օհանյանը: Դեպքից հետո մեղադրյալի աթոռին հայտնվեցին 14 անձինք: Նրանցից միայն մեկին՝ Արմեն Ղազարյանին, ով ավելի հայտնի է «Ֆազ» մականվամբ, կալանավորեցին: Մյուսները, չնայած ծանր մեղադրանքներին, մնացին ազատության մեջ: «Ժողովուրդ»-ի խմբագրություն էր այցելել Արմեն Ղազարյանի մայրը՝ Ռուզաննա Ղազարյանը: Նա վստահեցնում էր՝ արդարությունը խեղաթյուրվում է, իսկ իրական մեղավորները մնում են ստվերում. «Ես անուններ կտամ ... Մարդկանց փորձում են ազատել սպանության պատասխանատվությունից, բայց իմ որդուն են պահում կալանքի տակ», - «Ժողովուրդ» օրաթերթի գրասենյակում հայտարարել էր Ռուզաննա Ղազարյանը: Սակայն նրա խոսքը մնաց անարձագանք: Փոխարենը ծերակալվեցին Վալոդյա Գրիգորյանի կողմնակիցները: Գրիգորյանը հայտնի էր ընդդիմադիր դիրքորոշմամբ եւ պայքարում էր գործող իշխանության՝ ՔՊ-ի թեկնածուի դեմ: Այս զարգացումները, ըստ տեղի բնակիչների, ոչ միայն չլուծեցին առկա լարվածությունը, այլեւ նոր բռնկումներ հրահրեցին: Արդյունքում, Մերձավանում կրկին կրակոցներ հնչեցին: Այս անգամ եղավ երկու գոի եւ մեկ վիրավոր: Այս իրադարձությունները կարմիր գծով մատնանշում են պետության հիմնական խնդիրը՝ իշխանության պատասխանատվությունը: Եթե իրավապահ համակարգը ժամանակին ամբողջությամբ բացահայտեր եւ կանխարգելեր սպանությունը, ապա նոր արյուն չէր թափվի: Այսօր Մերձավանի ողբերգությունները ոչ միայն իրավական, այլեւ քաղաքական հարց են: Մարդիկ պարզ ասում են՝ սպանությունների եւ անպատժելիության այս շղթան Նիկոլ Փաշինյանի իշխանության խղճի վրա է: Քանի դեռ իշխանությունն իր պատասխանատվությունը չի գիտակցում եւ չի ապահովում արդար դատաքննություն, հասարակությունը կմնա անվստահ եւ վտանգի առաջ: Մերձավանի պատմությունը պետք է դառնա դաս. ոչ թե քաղաքական հաշիվներ մաքրելու, այլ ճշմարտություն բացահայտելու ճանապարհ:



Սեպտեմբերի 24-ին Երեւանի Մատենադարանի նոր մասնաշենքում տեղի ունեցավ Հայաստանի Հանրապետության առաջին նախագահ Լեւոն Տեր-Պետրոսյանի ծննդյան 80-ամյակին նվիրված միջազգային գիտաժողով: Միջոցառմանը ներկա էր նաեւ ինքը՝ Լեւոն Տեր-Պետրոսյանը: Գիտաժողովին զուգահեռ Մատենադարանում բացվեց ցուցահանդես, որն անդրադառնում էր Առաջին նախագահի քաղաքական եւ գիտական գործունեությանը: «Ժողովուրդ» օրաթերթի տեղեկություններով՝ ցուցահանդեսում ներկայացված էին Տեր-Պետրոսյանի հանդիպումների լուսանկարներ, իր ստորագրությամբ փաստաթղթեր, ինչպես նաեւ նրա քաղաքական ու գիտական գործունեության վերաբերյալ գրքեր եւ վավերագրական նյութեր: ՀՀ առաջին նախագահը գիտաժողովին նաեւ լրագրողների հարցերին պատասխանեց, որի ժամանակ մասնավորապես նշեց, որ 2008 թվականի մարտի 1-ին իր կողքին Նիկոլ Փաշինյանից բացի շատերը կային, եւ ինքը երբեւէ չի հայտարարել, որ Նիկոլ Փաշինյանը իր հոգեզավակն է: Հիշեցնենք՝ այս տարվա հունվարի 9-ին Լեւոն Տեր-Պետրոսյանը դարձավ 80 տարեկան:



ՔԱՂԱՔԱԿԱՆ

ԱՐԴԱՐԱԴԱՏՈՒԹՅԱՆ ԲԱՑԱԿԱՅՈՒԹՅՈՒՆԸ ՀԱՆԳԵՑՈՒՄ ՈՐԲԵՐԳՈՒԹՅԱՆ

«ՎԱՐՈՒՅԱՆ ՀԱՄԵՍՏՈՒԹՅԱՆ ՏԻՊԱՐ ԷՐ». ԹԱՆԴԻԼՅԱՆ

«Ժողովուրդ» օրաթերթը երեկ զեկվում էր Փարաբար համայնքում:

Հիշեցնենք, որ սեպտեմբերի 23-ի գիշերը (կեսգիշերին մոտ) ահազանգ էր ստացվել, որ Արմավիրի մարզի Մերձավան բնակավայրի Երեւանյան խճուղում կրակոցներ են հնչել: Դրա հետեւանքով զոհվել էին Փարաբարի համայնքապետ Վալոդյա Գրիգորյանը եւ նրա ընկերը:

Տեղում «Ժողովուրդ»-ը գրուցել է «Ապրելու երկիր» կուսակցության համահիմնադիր Մանե Թանդիլյանի հետ:

Տիկին Թանդիլյան, ինչ գնահատական կտաք այս ողբերգական դեպքի վերաբերյալ: Կարելի՞ է սա դիտարկել որպես վերնդասի կապելով այն յոթ ամիս առաջ Մերձավանում ստեղծված լարված մթնոլորտի հետ, ինչպես նաեւ Վալոդյա Գրիգորյանի համոզիչ հաղթանակի հետ, երբ Փարաբարի համայնքապետի ընտրություններում նա ընտրվեց համայնքապետ: Ըստ էության, կրքերը Փարաբարում կարծես թե չեն հանդարտվել:

Նման տեղեկությունների հաստատումը կամ հերքումը իրավապահների գործն է: Բայց մեկ բան հստակ է. հասարակության մեջ ապօրինի զենքի ահռելի քանակ կա, միևնույն ժամանակում զբաղված են իրենց անպատասխանատու գործերով՝ հոգալով սեփական անվտանգությունը, իսկ հանցագործներին թողնելով ազատության մեջ: Փոխարենը՝ կազմակերպում են «ֆեյք» դատավարություններ ու մարդկանց անսխիմ ձերբակալում: Սա ապացույց է, որ իրենք իրենց տեղում չեն: Եթե այս սպառնալույթը չբացահայտվեց, նրանք երկար ժամանակ պետք է պատասխան կտան:

Վալոդյա Գրիգորյանի ընտանիքը համեստ ու ազնիվ ընտանիք է, եւ ոչ ոք նրանցից չէր արժանի նման դժբախտության: Վալոդյան ինքը համեստության տիպար էր, մեր լավ ընկերն էր: Այն, ինչ կատարվեց նրա հետ, չի ներվելու: Իշխանությունները պարտավոր են բացահայտել հանցագործությունը եւ ցույց տալ, որ իսկապես փնտրում են իրական մեղավորներին, ոչ թե կատարում քաղաքական պատվերներ:

Տիկին Թանդիլյան, ընտրություններից հետո կապի մեջ եղել եք պարոն Գրիգորյանի հետ: Նա երբեւէ մտահոգություն կամ անհանգստություն հայտնել է,



որ փորձ է արվում իր նկատմամբ վերնդաս իրականացնելու. քանի որ դեռ յոթ ամիս առաջ նույնպես կրակոցներ հնչեցին, սակայն իրավապահների տեսադաշտում հայտնվեցին միայն Գրիգորյանի կողմնակիցները, միևնույն ժամանակում ներկայացուցիչներից ոչ մեկը չկասկածվեց: Մենք հետեւել ենք ամբողջ քրեական վարույթին, եւ բազմաթիվ ահազանգեր կային, որ արդար քննություն չի իրականացվում: Ինչո՞ւ պետք է ընդդիմադիր կողմի մարդիկ հայտնվեն մեղադրյալի աթոռին, իսկ իշխանական թիմակիցները մնան անպատասխան:

Սա հետեւանք է անարդարության: Երբ ոստիկանությունը չի կատարում իր գործառնությունները եւ արդարադատությունը չի գործում, նման ողբերգություններ են լինում: Վալոդյայի հետ զոհվել է նաեւ նրա ոստիկան ընկերը, այսինքն՝ ոստիկաններն անգամ ի վիճակի չեն հասկանալու, թե ինչ է կատարվում:

Ինչ վերաբերում է ընտրություններից հետո մեր կապին, ապա, այո, մենք կապի մեջ եղել ենք: Վալոդյան ամբողջովին կենտրոնացած էր Փարաբարի զարգացման վրա եւ զբաղված էր բացառապես համայնքային խնդիրներով:

Ես չեմ կարող հստակ գնահատել, թե ինչ շղթայի մաս է այս դեպքը, բայց ոստիկանությունը պարտավոր է հայտնաբերել ապօրինի զենք ունեցողներին: Կան տեսակներ, անհնար է, որ չկարողանան բացահայտել հանցագործությունը: Միայն ցանկության բացակայության դեպքում դա կմնա չբացահայտված:

Ոստիկանությունը օրոգիշեր պետք է զբաղվի այս գործով:

Մենք չենք կարող ապրել մի հասարակության մեջ, որտեղ փողոցում հաշվեհարդար են տեսնում համեստ, իրենց գործին նվիրված, հայրենասեր մարդկանց հանդեպ:

Հիշեցնենք. Փարաբար համայնքում ընդդիմադիր «Ապրելու երկիր» կուսակցության ներկայացուցիչ Վալոդյա Գրիգորյանը մահի ենթարկվել էր զենքի ընտրություններից: Գրիգորյանի առաջնորդած «Միասնություն» դաշինքը ստացել էր չայնեռի ավելի քան 57 տոկոսը:

Այստեղ արժանիք ընտրություններ նշանակվեցին, երբ «Քաղաքացիական պայմանագիր» ներկայացուցիչ, այդ ժամանակվա համայնքապետ Լյուդմիլա Գյուլմազարյանը հրաժարական սվեց արշունակի մի միջադեպի ներկա զեկվելու պահանջով:

Ջրուցեց ՔՆԱՐ ՄԱՆՈՒԿՅԱՆԸ

ՔԱՂԱՔԱԿԱՆ ՕՐԱԿԱՐԳ

ՎԵՐԳԻԿՏ. ԵՐԵԿ ՄԻՔԱՅԵԼ ՍՐԲԱԶՄՆԻ ԴԱՏՆ ԷՐ

Երեւան քաղաքի առաջին ատյանի ընդհանուր իրավասության քրեական դատարանի դատավոր Արմինե Մելիքսեթյանը սեպտեմբերի 24-ին հրապարակեց Շիրակի թեմի առաջնորդ Միքայել արքեպիսկոպոս Աջապահյանի գործով վերդիկտը:

Դատավորը հայտարարեց, որ Միքայել Աջապահյանին պետք է մեղավոր ճանաչել օրենսգրքի 422-րդ հոդվածի 2-րդ մասով (իշխանությունը զավթելուն, տարածքային ամբողջականությունը խախտելուն, ինքնիշխանությունից հրաժարվելուն կամ սահմանադրական կարգը բռնի տապալելուն ուղղված հրապարակային կոչերը): «Խախտման միջոցը թողնվել է անփոփոխ՝ իր սահմանափակումներով», - հայտարարեց դատավորը:

Դատարանում ներկաները սկսեցին վանկարկել՝ «ամոթ»:

«Լավ է լինելու», - վերդիկտի հրապարակումից հետո հայտարարեց Միքայել Սրբազանը:

ՊԱՏԳԱՄԱՎՈՐ Հ. ՀԱԿՈԲՅԱՆԸ ՕՏԿ-Ի ԲԱՐՈՋՉԱԿԱՆ TV-ՈՒՄ ԷՐ

Իշխանական պատգամավոր Հասմիկ Հակոբյանը, որը օրերս ընտրվեց ԶԳ վարչության կազմում, մինչ ԶԳ կուսակցությանը միանալը եղել է «Օրինաց երկիր» կուսակցության անդամ: Տարբեր աղբյուրներ պնդում էին նրա անդամակցությունը ՕԵԿ-ին. «Ժողովուրդ» օրաթերթը փորձեց տեղեկությունը ճշտել անձամբ Հասմիկ Հակոբյանից, ով մեզ հետ զրույցում հերքեց այն:

Հարցին՝ արդյո՞ք ինքը երբեւէ եղել է ՕԵԿ-ի անդամ, եւ եթե այո՝ ինչ ժամանակահատվածում ու ինչ պատճառով է դուրս եկել կուսակցությունից, Հասմիկ Հակոբյանը պատասխանեց. «Ես ՕԵԿ-ի անդամ չեմ եղել: Կուսակցության անդամագրվելու դիմում հետեւապես չի կարող լինել: Պարզապես աշխատել եմ ՀՀ հեռուստաընկերությունում, որը պատկանում էր այդ կուսակցությանը, բայց կուսակցական գործունեություն չեմ իրականացրել»:

Հիշեցնենք, որ հենց 2017-2018 թվականներին էր, երբ Նիկոլ Փաշինյանը ՕԵԿ-ականներին հասցեագրված քննադատություններով էր հանդես գալիս՝ հիշատակելով նրանց «խայտառակ» լինելը:

Ստացվում է, որ այդ նույն ժամանակաշրջանում այսօրվա ԶԳ-ական պատգամավորը փաստացի գործունեություն էր ծավալում ՕԵԿ-ին պատկանող հեռուստաընկերությունում՝ իրականացնելով այն կուսակցության քարոզչությունը, որը հետեւողականորեն ընդդիմանում էր Նիկոլ Փաշինյանին:



ՄԵԴԱԼՆԵՐ ՍՏԱՑԱՆ ԸՆԿԵՐ ԴԱՏԱՎՈՐՆԵՐԸ

Ինչպես ստացվեց, որ ՀՀ նախագահը անկախության տոնի առթիվ մեդալներ շնորհեց ԲԴԻ նախագահի ընկերներին: Դատական համակարգում գործի է դրվել ոչ թե մասնագիտական արժանիքը, այլ ԲԴԻ նախագահի ընկեր լինելն ու քաղաքական իշխանության սրտով որոշում կայացնելը:

Սեպտեմբերի 23-ին ԲԴԻ-ում տեղի էր ունեցել դատավորների պարգևատրման արարողություն: ԲԴԻ նախագահ Արթուր Աթաբեկյանը մի շարք դատավորների հանձնել էր Անկախության տոնի առթիվ ՀՀ նախագահի շնորհած մեդալները:

«Միսթար Գոշ»-ի մեդալներ էին հանձնվել Վերաքննիչ քաղաքացիական դատարանի դատավոր Մերգեյ Սահակյանին, Վերաքննիչ քրեական դատարանի դատավոր Մնացական Հարությունյանին, Սնանկության դատարանի դատավոր Գարիկ Ավագյանին եւ եւս մի քանի դատավորների:

Պարզվում է՝ «Միսթար Գոշ» մեդալ ստացած դատավորներից շատերը պատահական անձինք չեն. նրանք ԲԴԻ նախագահ Արթուր Աթաբեկյանի երիտասարդ տարիների (մինչ դատավոր դառնալը) ընկերներն են, որոնք դատական դեպարտամենտում նրա հետ ճանապարհ են անցել:

Օրինակ՝ ԲԴԻ նախագահ Արթուր Աթաբեկյանը 2008 թվականից մինչեւ 2012 թվականն աշխատել է ՀՀ դատական դեպարտամենտի դատական պրակտիկայի ամփոփման վարչությունում՝ որպես ավագ մասնագետ, իսկ ահա «Միսթար Գոշ» մեդալ ստացած, Վերաքննիչ քաղաքացիական դատարանի դատավոր Մերգեյ Սահակյանը 2007 թվականից մինչեւ 2014 թվականը զբաղեցրել է դատական դեպարտամենտի դատական պրակտիկայի ամփոփման վարչությունում՝ նախ ավագ մասնագետի, ապա վարչության պետի տեղակալի պաշտոնները:

Մյուս մեդալակիրը Վերաքննիչ քրեական դատարանի դատավոր Մնացական Հարությունյանն է, որը 2010 թվականից 2012 թվականն աշխատել է ՀՀ դատական դեպարտամենտում՝ որպես դատական պրակտիկայի ամփոփման վարչության մասնագետ:

2012 թվականից 2014 թվականն աշխատել է ՀՀ դատական դեպարտամենտում՝ որպես դատական պրակտիկայի ամփոփման վարչության ավագ մասնագետ:

Ավելին՝ Մնացական Հարությունյանը առավել աչքի ընկավ 2022 թվականին: Բանն էր, որ 2022 թվականի փետրվարի 7-ին ՀՀ երկրորդ նախագահ Ռոբերտ Քոչարյանը գտնվում էր կալանքի տակ, եւ նրա պաշտպանները բողոքներ էին տարել ՀՀ վերաքննիչ դատարան՝ խափանման միջոցի վերաբերյալ առաջին ատյանի դատարանի որոշման դեմ: Արդյունքում, Հարությունյանը մերժել էր պաշտպանների բողոքը եւ Ռոբերտ Քոչարյանին թողել էր կալանքի տակ:

«Միսթար Գոշ» մեդալ էր շնորհվել նաեւ դատավոր Գարիկ Ավագյանին, որը Արթուր Աթաբեկյանի ընկերն է: Բանն այն է, որ մինչ ԲԴԻ նախագահ դառնալը, 2022 թվականին Աթաբեկյանը Սնանկության դատարանի նախագահն էր ու չմոռացավ Սնանկության դատարանում աշխատած ընկերոջը, նրան էլ արժանացրեց մեդալի:

**ፌዴራል
ፔቢክ-ፊደል
ሆሊ-ቡሆ**

ՄԱԿ-ում ունեցած իր ելույթում Թրամ-
փոր գգուշացրել է Եվրոպային, որ անվե-
րահսկելի ներգաղթը եւ կլիմայական
քաղաքականությունը կործանում են
նրա ժառանգությունը ու հանգեցնում
«աննախադեպ աղետի»:

«ժամանակն է դադարեցնել բաց սահմանների ծախողված փորձը: Ձեր երկրները դժոխք են գլորվում»,- հայտարարել է Թրամփը ՄԱԿ-ի Գլխավոր վեհաժողովի նիստում:

Դրակից առաջ նա թվարկել է ներգաղթի հակառակորդների համար սովորական փաստաթղթերն այն մասին, որ ներգաղթյալները՝ տարբեր մշակույթների եւ կրոնների մարդիկ, կործանում են ընդունող պետությունների մշակույթը, տնտեսությունը, օրենքն ու կարգը: Թրամփը հայտարարել է, որ իր վարչակազմին արդեն իսկ դադարեցրել է զանգվածային անօրինական ներգաղթը Միացյալ Նահանգներ:

Թրամփը վստահեցրել է, որ համակրում է խնդրահարույց երկրներից փախստականներին: «Քայց մենք պետք է խնդիրները լուծենք նրանց երկրներում, այլ ոչ թե ստեղծենք խնդիրներ մեզ համար», - հայտարարել է ԱՄՆ նախագահը:

Երկրորդ պատճառը, թե ինչու է Եվրոպան «դժոխք գլորվում», ըստ Թրամփի, կլիմայի փոփոխության դեմ պայքարում «կանաչ էներգիային» անցնելու քաղաքականությունն է:

Թրամփը վերականգնվող էներգիան, մասնավորապես հողմային էլեկտրակայանները, անվանել է անխեղճություն եւ չափազանց թանկ ծեռարկ, իսկ ՄԱԿ-ում վերջին քառասուն տարվա ընթացքում կլիմայի փոփոխության հետեւանքների մասին արված ապովայնկայիտի կնիկատեստումները որակել է որպէս «ամենամեծ խաբէութիւն»:

Իր գրեթե մեկ ժամ տևած ելույթի մեկ այլ հատվածում Թրամփը կոչ է արել դաիլիճում հավաքված աշխարհի բոլոր երկրների առաջնորդներին պաշտպանել խոսքի եւ դավանանքի ազատությունը՝ ընդգծելով, որ քրիստոնեությունը նույնպես պաշտպանության կարիք ունի: Թրամփի խոսքով՝ այն ներկայումս աշխարհում ամենափառավոր կրոնն է:

**ՊԵՍԿՈՎԸ
ՄԵԿՆԱԲԱՆԵԼ Է**

ՌԴ նախագահի մամուլի քարտուղար
Դմիտրի Պեսկովը մեկնաբանել է Ուկ-
րաինայի նախագահ Վոլոդիմիր Զե-
լենսկու հայտարարությունն այն մասին,
որ Ռուսաստանի առաջարկել են Ուկ-
րաինայի հետ բարձր մագաղաթակի հան-
դիսաւ մեկնակցել Ղազախստանում:

ՌԲԿ ռադիոյի եթերում Պետկովը նշել է, որ ուկրաինացիները «Մեծ քանակությամբ առաջարկներ են տարածում», եւ նախքան Ղազախստանի մասին խոսելը, նշել են երկրներ, որոնք «բացարձակապես անընդունելի են» Ռուսաստանի համար՝ որպէս հանդիպման վայր: Պետկով որպէս օրինակ է բերել Շվեյցարիան եւ Ավստրիան, որոնք «փաստացի այլեւ չենք ինք»:

Մամուլի քարտուղարը հիշեցրել է, որ Ռուսաստանի նախագահ Վլադիմիր Պուտինը առաջադրել է Մոսկվայում նման բանակցություններ կազմակերպելու գաղափարը:

ՀՈՐԴՈՐ՝ ԳԱԶԱՅԻ ՀՈՒՄԱՆԻՏԱՐ ՃԳՆԱԺԱՄԸ ԿԱՆԽԵԼՈՒ ՀԱՄԱՐ

ՀՈՒՄԱՆԻՏԱՐ ՄԻՋԱՆՅՔ Է ՊԵՏՔ ԲԱՅԵԼ

25 ղեկավարող անհատները գործերի նախարարներ, ինչպես նաև ճգնաժամային իրավիճակների կառավարման հարցերով Եվրամիության հանձնախարար՝ Հաջա Լաքիբը, համընդունեկ համատեղ կոչով՝ ստիպել Իսրայելին վերագործարկել հումանիտար միջանցքը Փաղայի հասվածից դեղիկ Արևմտյան ափ եւ Արեւելյան Երուսաղեմ հնարավորություն սալու վիրավորող ղեկավարների՝ ինքնապաշտպանության բուժման նպատակով:

Ըստ Միացյալ Թագավորության արտաքին գործերի նախարարության տարածած հայտարարության՝ միջազգային համայնքը հստակ պահանջում է վերացնել սահմանափակումները, որոնք խոչնդոտում են բժշկական տարիախոսներին ու պատշաճ բուժօգնության իրականացումը:

«Մենք վճռական ենք՝ ապահովելու, որ վիրավոր պաղեստինցիները ստանան իրենց անհրաժեշտ բժշկական օգնությունը Պաղեստինի տարածքում: Հիմնականում միջանցքի վերաբացումը կենսական նշանակություն ունի այս կատարակին հասնելու համար», - ասված է հայտարարության մեջ:

Համատեղ հայտարարությանը միացել են Ավստրիայի, Բելգիայի, Մեծ Բրիտանիայի, Գերմանիայի, Հունաստանի, Դանիայի, Իռլանդիայի, Իսլանդիայի, Իտալիայի, Կանադայի, Կիպրոսի, Լյուքսեմբուրգի, Լիտվայի, Մալթայի, Նիդերլանդներին, Նորվեգիայի, Լեհաստանի, Պորտուգալիայի, Սլովակիայի, Սլովենիայի, Ֆինլանդիայի, Ֆրանսիա-



յի, Խորվաթիայի, Շվեյցարիայի եւ Շվեդիայի արտաքին գործերի նախարարները:

Բացի հումանիտար միջանցքի վերագործարկման պահանջից՝ ստորագրող կողմերը նաեւ պատրաստակամություն են հայտնել աջակցել տեղում իրականացվող բժշկական ծրագրերին՝ տրամադրելով ֆինանսական ռեսուրսներ, ուղարկելով մասնագիտական բուժանձ-

Նախագլխի կամ անհրաժեշտ բժշկական
սարքավորումներ:

Նրանք նաեւ ընդգծել են, որ անհրաժեշտ է անհապաղ վերացնել դեղորայքի եւ բժշկական տեխնիկայի մուտքի սահմանափակումները Գազայի հատվածում, քանի որ շարունակվող շրջափակումը սրում է այնտեղի հումանիտար ճգնաժամը:

ԱՆԻ ՎԱՐԴԱՆՅԱՆ

ՕՐԿԱ ԽՃԱՆԿԱՐ

**ԵՄ-Ն ԸՆԴՄԻՇՏ
ԿՀՐԱԺԱՐՎԻ
ՌՈՒՄԱԿԱՆ
ԷՆԵՐԳԱԿԻՐՆԵՐԻՑ**

Եվրամիությունը մտադիր է մինչև 2027 թվականը ընդմիջտ հրաժարվել ռուսական էներգառեսուրսների գնումներից: Այս մասին հայտարարել է Եվրահանձնաժողովի դեկավար Ուրսուլա ֆոն դեր Լայենը՝ ՄԱԿ-ի Գլխավոր ասամբլեայի նախաշրջանի շրջանակներում ԱՄՆ Նախագահ Դոնալդ Թրամփի հետ բանակցություններից հետո:

«Մինչև 2027 թվականը Եվրոպան ընդմիջտ կշրջի ռուսական էներգակիրների էջը», - գրել է ևս՝ X-ում:

**ԻՐԱՆԻ ԱԳՆ
ԽՈՄՆԱԿԸ
ԳԱՏԱՊԱՐՏԵԼ Է**

Իրանի արտաքին գործերի նախարարության խոսնակ Իսմայիլ Բադաին դատապարտել է Նյու Յորքում ՄԱԿ-ի Գլխավոր ասամբլեային մասնակցող իրանական պատվիրակության տեղաշարժի նկատմամբ ԱՄՆ-ի կողմից սահմանված սահմանափակումները: Այս մասին նա գրել է X-ի իր էջում:

Նրա խոսքով՝ նման գործողությունների իրական նպատակը ՄԱԿ-ում Իրանի դիվանագիտական գործունեությանը «խցրնդոտելն» է:

«Միացյալ Նահանգների կողմից իրանցի դիվանագետների նկատմամբ համակարգված հետապնդումները խանգարել

են իրանցի պատվիրակներին մասնակցել այսպես կոչված «թույլատրված պարամետրերից» դուրս անցկացված մի քանի բազմակողմ միջոցառումների միայն այս շաբաթ», - նշել է Բաղախն:

«Մեր դիվանագետների ճանապարհորդության եւ նույնիսկ Նրանց ամենօրյա մթերային գնումների նկատմամբ նման սահմանափակումների կիրառումը ոչ միայն ԱՄՆ-ի՝ Գլխավոր գրասենյակի համաձայնագրով ստանձնած պարտավորությունների կոպիտ խախտում է, այլեւ նոր ցածրակետ՝ ցույց տալով ԱՄՆ վարչակազմի կողմից Իրանի ժողովրդի նկատմամբ ցուցաբերված թշնամանքի մակարդակը», - գրել է Նախարարության խոսնակը:

ԱՐՄԱՆ
ԱՖՈՎՅԱՆԸ ՆՈՐ
ՆԱԽԱԳԻԾ Է
ՍԿՍՈՒՄ

Արման Աբովյանը, որը լայն հանրությանը առավել հայտնի է «ԻՆՆ, որտե՞ղ, է՞րբ» ինտելեկտուալ խաղում ունեցած մասնակցությամբ եւ երկու անգամ հաղթող թիմի ղեկավարությամբ, ինչպես նաեւ Երեւանի ավագանու եւ Ազգային ժողովի պատգամավորական գործունեությամբ, մեկնարկել է Նոր մեդիառախագիծ:

Նախագիծը կոչվում է «Արմյան Talk»
 և նպատակ ունի անդրադառնալ հասա-
 րակական, քաղաքական և հանրային
 հետաքրքրություն ներկայացնող թեմա-
 ների:

«Արովյան Talk»-ը նախատեսում է բաց քննարկումներ եւ վերլուծական դի-

տանկյուններ, որտեղ շոշափվելու են կարելու եւ երբեմն բարդ հարցեր: Նախագիծը կարող է դառնալ հարթակ մտքերի ու տեսակետների ազատ փոխանակման համար՝ նպաստելով հանրային երկխոսությանը:

**ՄԻՊ-Ը՝
ՄԵՐԶԱՎԱՆԻ
ՍՊԱՆՈՒԹՅԱՆ
ՄԱՍԻՆ**

Մարդու իրավունքների պաշտպան Անահիտ Մանասյանը խստորեն դատապարտում է սեպտեմբերի 23-ի գիշերը՝ կեսցիներին մոտ, Մերձավան բնակավայրում տեղի ունեցած ողբերկեղ պատահարը, ինչի հետևանքով սպանվել են Փարաքար խոշորացված համայնքի ղեկավար Վաղոյա Գրիգորյանը եւ ոստիկանության ծառայող Կարեն Աբրահամյանը:

Նման ծանր հանցանքները խարխուլում են հասարակական անվտանգությունը եւ վտանգում իրավունքի գերակայության երաշխիքները:

Անհրաժեշտ է ապահովել դեպքի շուտափույթ, բազմակողմանի, լրիվ եւ օբյեկտիվ քննություն՝ մեղավոր անձանց անխուսափելիորեն պատասխանատվության ենթարկելու համար:

Պետությունը պետք է ունենա պատշաճ կառուցակարգեր նման դեպքերը կանխարգելելու համար եւ անընդհատ կատարելագործի դրանք:

Մարդու իրավունքների պաշտպանն իր գորակցությունն է հայտնում մահա-
ցածների ընտանիքներին ու հարազատ-
ներին:

ԻՐԱՎԱԿԱՆ

ԼԱՐՎԱԾ ԻՐԱՎԻՃԱԿԸ ՄԵՐՁԱՎԱՆՈՒՄ ՇԱՐՈՒՆԱԿՎՈՒՄ Է

ԻՆՉՈ՞Ւ ՄՊԱՆՎԵՑ ՓԱՐԱՔԱՐԻ ՀԱՄԱՅՆՔԱՊԵՏԸ

Սեպտեմբերի 23-ի զիջերը սղանել են Փարաքարի համայնքապետ Վալոդյա Գրիգորյանին:

ArmLur.am-ի տեղեկություններով՝ իրավապահների ձեռքի տակ հայտնված տեսանյութից պարզվել է, որ Փարաքարի համայնքապետ Վալոդյա Գրիգորյանին սպանած վարձու մարդասպանը մեկ անձ է եղել, որը նրան սպասել է իր նորակառույց տան դարպասների մոտ:

ArmLur.am-ի բացառիկ տեղեկությունները հետազայում հաստատվեցին երբ լրատվական դաշտում հայտնվեցին տեսանյութեր, որտեղ հաստատվեց, թե ինչպես է վարձու մարդասպանը նախ կրակահերթ արձակել Գրիգորյանի ուղղությամբ, հետո հետ է եկել համոզվելու՝ արդյոք նա մահացած է, եւ մի անգամ էլ այդ ժամանակ է «ստուգողական կրակոց» արձակել եւ հեռացել է:

ArmLur.am-ի աղբյուրները փոխանցում էին, եւ տեսանյութում եւս հաստատվեց, որ մարդասպանը նաեւ գեղքի խզակոթով հարվածներ է հասցրել Գրիգորյանին սպանելուց հետո: Ըստ էության, վարձու մարդասպանի թիրախը եղել է հենց Վալոդյա Գրիգորյանը:

Իրավապահների մոտ առկա տեսանյութում երեւում է, որ ոստիկան Կարեն Աբրահամյանը երկար ժամանակ վիրավոր վիճակում փորձել է «բռնվելով» մոտենալ Գրիգորյանին եւ օգնություն ցուցաբերել նրան, սակայն ցավոք նրան չի հաջողվել փրկել ոչ իրեն, ոչ էլ ընկերոջը՝ Վալոդյա Գրիգորյանին: Աբրահամյանը եւս տեղում մահացել է:

Հիշեցնենք, որ հայտնի է նաեւ, որ Մերձավանի կրակոցների հետեւանքով երրորդ անձ կա, ով վիրավորում է ստացել: Նա Արծրուն Գալստյանն է: Վերջինս վիրահատվել է, նրա կյանքին վտանգ չի սպառնում: Վիրավորը ոստիկանական ծառայող չէր, իսկ սպանված ոստիկանը ծառայության մեջ չի եղել, որի մասին հայտնել էր ՆԳՆ մամուլի խոսնակ Նարեկ Սարգսյանը:

Նշենք, որ ArmLur.am-ը տեղեկացավ, որ սպանված Կարեն Աբրահամյանը ունի երկու անչափահաս երեխա: Նա մոտ ութ տարի աշխատել է քրեական ոստիկանությունում եւ եղել է Վալոդյա Գրիգորյանի մտերիմ ընկերներից:

Այն, որ Վալոդյա Գրիգորյանին եւ նրա մտերիմ շրջապատին որոշ շրջանակներ ատամները սրած էին հետեւում, հայտնի է բոլորին:

Բանն այն է, որ այս տարվա փետրվարի 5-ին Մերձավանում հնչել էին կրակոցներ: Ըստ մերձավանցիների՝ համայնքում տեւական ժամանակ նախկին ու ներկա պաշտոնյաները գյուղը բաժանել էին երկու մասի եւ գյուղի տղաներին հանել միմյանց դեմ: Ըստ լուրերի՝ անգամ Մերձավան համայնքի ղեկավար Ախտոյանի թիմակիցները մարդ էին ծեծել, եւ ծեծի շուրջ վեճը այնքան էր տարածվել, որ հնչել էին կրակոցներ ու սպանվել էր մեկ անձ:

Այս դեպքով մեղադրյալի աթոռին էին հայտնվել նաեւ Վալոդյա Գրիգորյանի եղբայրը եւ նրա մտերիմ շրջապատի անդամները: Արդյունքում՝ կրակոցներից ամիսներ անց համայնքում ընտրություններ եղան, եւ համայնքապետ ընտրվեց Վալոդյա Գրիգորյանը: Սակայն համայնքում ներքին լարված մթնոլորտը իշխանության թիմակիցների եւ Վալոդյա Գրիգորյանի միջեւ շարունակում էր պահպանվել:



Որքանով ընտրված համայնքապետի սպանությունը կապ ունի յոթ ամիս առաջ հնչած կրակոցների հետ՝ հուսանք, որ կարգի ընկնույն:

Ողջ իրավապահ համակարգը ԱԾԾ հատուկ ստորաբաժանումները, ոստիկանության հատուկ ստորաբաժանումները զինված մտել են Փարաքար համայնք՝ հնարավոր վեճերից կանխելու համար: Իրավապահ համակարգը որոշակի հետքի վրա է:

Հավելենք, որ ArmLur.am-ի տեղեկությունների համաձայն, իրավապահ համակարգում պաշտոնակատարողներն են սպասվում:

Բանն այն է, որ քաղաքական իշխանությունները բացատրել են, որ այս դեպքը ամիսներ առաջ տեղի ունեցած կրակոցների, համայնքում իրավիճակը չտիրապետելու հետեւանք է, ու կոնկրետ անձինք, ինչպես նախաքննական մարմին, այնպես էլ բարձրաստիճան ոստիկանությունից, պետք է ազատվեն:

ArmLur.am-ի թղթակիցը նկատել էր, որ ոստիկաններն ու հատուկ ջոկատայինները հսկում են Մերձավանի նախկին համայնքապետ Միեր Ախտոյանի տան հատվածը:

Հիշեցնենք, որ զինված հարձակում էր եղել Փարաքար խոշորացված համայնքի Մերձավան բնակավայրի վարչական դեկավարի տան ուղղությամբ: Մեկ անձ զոհվել էր, մեկը՝ վիրավորվել:

Հավելենք՝ ՔԿ-ից հայտնել էին, որ Մերձավանի համայնքապետի տան ուղղությամբ տեղի ունեցած զինված հարձակման դեպքով կա 3 ձերբակալված անձ, 9 անձի նկատմամբ քրեական հետապնդում է հարուցվել: Չնայած քննչական կոմիտեն հրաժարվում է ասել, թե Մերձավանի գյուղապետ Միեր Ախտոյանին առաջադրվել է մեղադրանք, թե ոչ, սակայն ArmLur.am-ին հավաստի աղբյուրները հայտնեցին, որ համայնքի ղեկավարը անձամբ ներկայացել է իրավապահներին, ու 9 մեղադրյալներից մեկը նա է:

Դեպքի առթիվ Արմավիրի մարզային քննչական վարչության Վաղարշապատի քննչական բաժնում ՀՀ քրեական օրենսգրքի 155-րդ հոդվածի 1-ին մասի (2 դրվագ), 44-155-րդ հոդվածի 1-ին մասի եւ 335-րդ հոդվածի 1-ին մասի հատկանիշներով նախաձեռնվել է քրեական վարույթ:

Նախաքննության ընթացքում նշանակվել են դատաբժշկական փորձաքննություններ:

Կատարվում են ապացուցողական եւ վարույթային գործողություններ:

Փարաքարում իր տան բակում սպանված համայնքապետ Վալոդյա Գրիգորյանը 42 տարեկան էր: Նա ուներ չորս երեխա: Վ. Գրիգորյանը Ռուբեն Վարդանյանի հիմնադրած «Արելու երկիր» կուսակցության անդամ էր:

ԻՆՉ ԿԵՆՍԱԳՐՈՒԹՅՈՒՆ ՈՒՆԻ ՎԱՂՈԴՅԱ ԳՐԻԳՈՐՅԱՆԸ

Վալոդյա Գրիգորյանը ծնվել է 1983թ. նոյեմբերի 16-ին Արմավիրի մարզի Մերձավան համայնքում:

1991-2001 թթ. հաճախել է Մերձավան համայնքի միջնակարգ դպրոցը:

2001-2005 թթ. սովորել է ՀՀ Ֆիզիկական կուլտուրայի հայկական պետական ինստիտուտում՝ «Ֆիզկուլտուրան եւ սպորտը» մասնագիտությամբ, ստացել է «Ֆիզիկական կուլտուրայի եւ սպորտի մանկավարժի, կարատեդոյի մարզչի» որակավորում:

2016-2018թթ. ստացել է Կառավարման մագիստրոսի աստիճան՝ Կառավարում մասնագիտությամբ:

2022թ.-ին ավարտել է «Մատենա» միջազգային դպրոցի «ՀՀ համայնքների արդյունավետ կառավարում» համայնքային պաշտոնյաների մասնագիտական զարգացման ծրագիրը:

2004թ. աշխատել է Մերձավանի «Կրթություն եւ մշակույթ» միացյալ տնօրինությունում՝ որպես սպորտ հրահանգիչ:

2005-2007թթ. աշխատել է Մերձավանի գյուղապետարանում:

2007-2011թթ. աշխատել է Մերձավանի գյուղական համայնքի ղեկավարի աշխատակազմի առաջատար մասնագետի համայնքային ծառայողի պաշտոնում: Նրան շնորհվել է համայնքային ծառայության 1-ին դասի կրտսեր ծառայողի դասային աստիճան:

2011-2016 թթ. զբաղվել է անհատ ձեռնարկատիրական գործունեությամբ:

2016թ.-2021թ. եղել է «Վալոդյա Գրիգորյան» ՍՊԸ-ի հիմնադիր տնօրենը:

2023թ. ապրիլի 22-ին ընտրվել է «Արելու երկիր» կուսակցության քաղաքական խորհրդի անդամ:

2021-2025թ. Փարաքար համայնքի ավագանու անդամ է եւ Փարաքար համայնքի «Արելու երկիր» խմբակցության ղեկավար:

2025թ.-ի ապրիլի 19-ին ստանձնել է Փարաքար համայնքի ղեկավարի լիազորությունները:

ՔՆՍՐ ՍՆՆՈՒԿՅԱՆ

ՔՐԵԱԿԱՆ ՔՐՈՆԻԿՈՆ

ՋԻՆԱՄԹԵՐԲ ԵՆ ՀԱՅՏՆԱԲԵՐԵԼ

Սեպտեմբերի 22-ին անհայտ անձը զանգահարել է Կոտայքի մարզի օպերատիվ կառավարման կենտրոն ու հայտնել է, որ Չարենցավան քաղաքի «Սերվիսի» խաչմերուկի մոտ թողել է զենք-զինամթերք:

Համայնքային ոստիկանության Չարենցավանի բաժնից մեկնած օպերատիվ խումբը նշված վայրում հայտնաբերել է նռնականետ, «Մակարով» ատրճանակ, առանց պայթուցիչի երեք նռնակ, տրարտեսակ 112 փամփուշտ եւ այլն:

ՔԿ-ն հորդորում է ապօրինի պահվող զենք-զինամթերքը կամավոր հանձնել ոստիկանություն՝ քրեական պատասխանատվությունից խուսափելու համար:

ՎԵՐԻՆ ԱՐՏԱՇԱՏՈՒՄ ԿԱՏԱՐՎԱԾ

ԱՎԱԶԱԿՈՒԹՅՈՒՆԸ

Քրեական ոստիկանության Արարատի մարզի ծառայողները սեպտեմբերի 5-ին օպերատիվ տեղեկություն էին ստացել, որ Վերին Արտաշատ գյուղի բնակիչ 27-ամյա երիտասարդը հափշտակել է մի աղջկա բջջային հեռախոսը եւ անձնական իրերը:

Համայնքային ոստիկանության Արտաշատի բաժնի ծառայողները ձեռնարկված օպերատիվ-հետախուզական միջոցառումների շնորհիվ պարզել էին, որ սեպտեմբերի 5-ի առավոտյան ժամը 7-ին գյուղի Հախնազարյան փողոցում 27-ամյա երիտասարդը ինչ-որ կերպ էր փչել 20-ամյա տուժողի աչքերին, ապա հափշտակելով նրա բջջային հեռախոսը, բանկային քարտը եւ պայուսակը, որի մեջ փող եւ անձնական իրեր էին, «Հոնդա» մակնիշի մեքենայով դիմել էր փախուստի: Նախաձեռնվել էր քրեական վարույթ:

Հետագա միջոցառումներին միացած Քրեական ոստիկանության Արարատի մարզային վարչության ծառայողների ձեռնարկված օպերատիվ-հետախուզական միջոցառումների արդյունքում սեպտեմբերի 22-ին 27-ամյա երիտասարդը հայտնաբերվել, ձերբակալվել եւ ներկայացվել է վարույթի իրականացնող մարմին:

«ԿԱԼԱՇՆԻԿՈՎԻ»

ԻՆՔՆԱՁԻԳ ԵՎ

ՋԻՆԱՄԹԵՐԲ ԵՆ

ՀԱՅՏՆԱԲԵՐԵԼ

Համայնքային ոստիկանության Սեւանի բաժնի ծառայողների բացատրական աշխատանքի հերթական արդյունքը գրանցվեց սեպտեմբերի 22-ին:

Ոստիկանության Գեղարքունիքի մարզի օպերատիվ կառավարման կենտրոն զանգահարած քաղաքացին հայտնել էր, որ զենք-զինամթերք է թողել պանթեոնի մուտքի մոտ:

Մեկնած իրավապահները Սեւանի քաղաքային պանթեոնի մուտքի մոտ հայտնաբերել են պոլիէթիլենային տոպրակ, որի մեջ կար «Կալաշնիկով» ինքնաձիգ, մարտական նռնակ՝ պայթուցիչով, ինքնաձիգի պահեստատուփ, 120 փամփուշտ եւ այլ զինամթերք:

● Ըստ ոստիկանության տվյալների՝ սեպտեմբերի 23-ից 24-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 112 դեպք, որից 4-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԳԻԼԻՋԱՆԸ՝ ԱՌԱՆՅ ՆՈՏԱՐԻ

Շուրջ երեք ամիս է, ինչ Դիլիջան խոշոր համայնքն առանց նոտարի է մնացել: Դիլիջանում երկար տարիներ նոտար աշխատած, Վանաձորի բնակիչ Ալբերտ Եգանյանը, օրենքով սահմանված կարգով, տեղափոխվել է եւ նոտար է աշխատում Վանաձորում: Դիլիջան համայնքը մնացել է առանց նոտարի, Դիլիջան քաղաքի, Գոշ, Չաղարծին, Թեղուտ, Յովք, Խաչարձան, Աղավնավանք գյուղերի բնակիչները նոտարական գործարքներ կատարելու համար ստիպված են հասնել Վանաձոր, Իջեան քաղաքներ: 33 արդարադատության նախարարությունը ինչո՞ւ չի լուծում այդ հարցը:

Հավելենք, որ Տավուշի մարզի Իջեան եւ Նոյեմբերյան քաղաքներում այժմ գործում է երկրական նոտար:

ՄՐԲԱՎԱՅՐԵՐԸ ԱՂՏՈՏՈՒՄ ԵՆ

Տավուշի մարզի անտառներում կան հուշաղբյուրներ, որոնց տաղավարներում մարդիկ բարեկամներով, ընկերներով քեֆեր են անում: Այդ հուշաղբյուրների մի մասը կառուցվել են ազատամարտում զոհվածների կամ կյանքից վաղաժամ հեռացած անձանց հարազատների կողմից՝ ի հիշատակ նրանց: Այդ հուշաղբյուրների տաղավարներում խրախճանք անել ցանկացողների թիվն այնքան մեծ է, որ հուշաղբյուրի մոտ նախապես գոյություններ են փակցնում հանգստի գոտու տարածքի տվյալ օրը զբաղված լինելու մասին: Այդ հուշաղբյուրներում խրախճանք անողների թիվը շատ մեծ է շաբաթօրվա եւ տոնական օրերին: Ցավոք, խրախճանք անողների մի մասը քեֆից հետո չի մաքրում տարածքը, հուշաղբյուրի տաղավարի մոտ նույն են տարատեսակ շտեր, պոլիէթիլենային տոպրակներ, սննդի մնացորդներ եւ այլն: Հուշաղբյուր կառուցած, այդ նպատակով մեծ ծախսեր արած մարդիկ հարկադրված հետո իրենք են մաքրում քեֆ արած անբարեխիղճների փոխարեն:

ՄԻՋՊԵՏԱԿԱՆ ԱՎՏՈՃԱՆԱՊԱՐԻ ԽՆԴԻՐՆԵՐԸ

Տավուշի մարզպետ Չայկ Ղալումյանին հետեւյալ տեղեկատվական հարցումն ենք արել. «Տավուշի մարզպետարանը սերտ համագործակցում է «ՀիմնաՏավուշ» հիմնադրամի հետ: Դուք, Տավուշի մարզպետի աշխատակազմը ինչո՞ւ միջոցներ չի ձեռնարկում, որպեսզի «ՀիմնաՏավուշ» հիմնադրամի Լուսաձորի անասնաֆերմայից տարիներ շարունակ միջպետական ավտոճանապարհին տարածվող գարշահոտը վերացվի»: Մարզպետարանից պատասխանել են. «Խնդրի կարգավորման նպատակով հարցը քննարկվել է Օ դը Սեն Նահանգի եւ Ֆրանսիայի հայկական հիմնադրամի ղեկավարների մասնակցությամբ: Ձեռք է բերվել պայմանավորվածություն «ՀիմնաՏավուշ» հիմնադրամի հարակից տարածքում կոյուղու մաքրման կայան կառուցելու համար: Առկա է ծրագրի փաթեթը, որը ներկայումս գտնվում է ՀՀ համապատասխան գերատեսչությունների եւ Ֆրանսիայի Օ դը Սեն Նահանգի դեպարտամենտի քննարկման փուլում»:

ՈՍԿԱՆ ՍԱՐԳՅԱՆ

ԽԱՍԵՆԵԻ ԽՈՐՀՐԴԱԿԱՆ ԱՆԴՐԱԴԱՐՁԸ

«ՉՆԱՅԱԾ ԱՐԵՎՄՈՒՏՔԻ ՃՆՇՈՒՄՆԵՐԻՆ՝ ԻՐԱՆԸ ԿԶԱՐԳԱՆԱ»

Իսլամական հեղափոխության առաջնորդ Այաթոլլահ Մեյեդ Ալի Նամենեհի ավագ խորհրդական Ալի Աբբաս Վեռայաթին զգուշացրել է, որ Եվրոպայի կողմից ՄԱԿ-ի դաժանամիջոցները վերսկսելու ուղղությամբ ձեռնարկված քայլը միայն կխորհրդանշի Եվրոպայի մեկուսացումը միջազգային աստիճանով:

«Ալ Մայադին» հեռուստաալիքին տված հարցազրույցում Վեռայաթին հայտարարել է, որ այս որոշումը խախտում է ՄԱԿ-ի Անվտանգության խորհրդի 2231 բանաձեռնի ոգին եւ միտված է ճնշում գործադրել դիմադրության ճակատի վրա՝ փորձելով խոչընդոտել Իրանի գիտական եւ պաշտպանական առաջընթացը:

«Այս քայլը ոչ մի գործնական արդյունք չունի եւ ծառայում է որպես քաղաքական ու քարոզչական գործիք: Դա միայն ավելի կմեկուսացնի Եվրոպային աշխարհից», - նշել է Վեռայաթին:

Նա շեշտել է, որ Իրանը միշտ էլ կարելի էրել է խաղաղ դիվանագիտությունը, սակայն արտաքին դավադրություններին կպատասխանի ուժով եւ ազգային արժանապատվությամբ:

«Իրանը, հենվելով հավատքի, գիտության եւ ազգային համերաշխության վրա, կշարունակի իր զարգացման ուղին՝ չնայած Արեւմուտքի ճնշումներին», - հավելել է նա:

Վեռայաթին խստորեն դատապարտել է նաեւ վերջին իսրայելական հարձակումը Կաթարի վրա՝ ԱՄՆ-ի եւ Մեծ Բրիտանիայի աջակցությունը որակելով որպես «քրիստոնեական խաչակրաց պատերազմների շարունակություն»:

Նա նշել է, որ հարձակումը նպատակ ունի թիրախավորել ՀԱՄԱՍ-ի հրամաճարներին, սակայն ծախողվելով՝ Վաշինգտոնը փոխել է իր դիրքորոշումը՝ ձեռնակցելով, թե չի աջակցել այդ գործողությանը:

«ԱՄՆ-ի ղեկավարները որեւէ սկզբունքի հետեւողականություն չունեն՝ առա-



վության մի բան են ասում, երեկոյան՝ մեկ այլ», - նշել է նա:

Վեռայաթին նաեւ մեղադրել է Մեծ Բրիտանիային՝ իբր իսրայելական օդուժին վառելիք մատակարարելու համար՝ շեշտելով, որ Լոնդոնը դա ներկայացրել է որպես «համատեղ զորավարություն Կաթարի հետ»՝ հասարակական կարծիքը մոլորեցնելու նպատակով:

«Արեւմտյան ուժերը շարունակում են չինայել ոչ մի հանցանք իսլամական ժողովուրդների դեմ», - ասել է Վեռայաթին՝ հույս հայտնելով, որ իսլամական եւ արաբական աշխարհը կսովորի այս դառն փորձից:

Վեռայաթին անդրադարձել է նաեւ տարածաշրջանային զարգացումներին՝ նշելով, որ «Հեզբոլլահի» զինաթափման փորձերը դատապարտված են ծախողման:

«Դիմադրությունը այսօր ավելի ուժեղ է, փորձառու եւ վճռական», - ասել է նա:

Նա նաեւ նշել է, որ Իրանի ժողովրդական մրբիլիզացիոն ուժերը շարունակում են դիմադրել ԱՄՆ-ի ծրագրերին:

Գազայի վերաբերյալ Վեռայաթին Իսրայելի գործողությունները որակել է որպես «մարդկության դեմ հանցագործություն եւ ցեղասպանության փորձ»՝ ընդգծելով, որ թիրախավորվում են երեխաներ, հղի կանայք, մտավորականներ եւ ենթակառուցվածքներ:

Վերջում Վեռայաթին կոչ է արել.

- բացել մարդասիրական անցումներ Գազա,
- ստեղծել հատուկ դատարան իսրայելական պատերազմական հանցագործությունների համար,
- կիրառել պատժամիջոցներ Իսրայելի դեմ,
- ապահովել անկեղծ եւ չցենզուրացված լուսաբանում միջազգային լրատվամիջոցների կողմից:

Նա նաեւ ԱՄՆ նախագահ Դոնալդ Թրամփի քաղաքականությունը համեմատել է 3իտլերի վարած քաղաքականության հետ՝ նշելով, որ Վաշինգտոնը կրկնում է պատմությունը՝ չհասնելով դրական արդյունքի:

ԱՆԻ ՎԱՐԴԱՆՅԱՆ

ՀԱՍԱՐԱԿԱԿԱՆ-ՔԱՂԱՔԱԿԱՆ

ԽՈՇՈՐ ՊԱՅԹՅՈՒՆԻ 2-ՐԴ ՏԱՐԵԼԻՑԸ

Սեպտեմբերի 25-ին լրանում է Արցախի Հայկազով կոչվող զորամասի վառելիքի պահեստամասում տեղի ունեցած խոշոր պայթյունի 2-րդ տարելիցը:

2023 թվականին՝ Արցախյան վերջին պատերազմից հետո, սկսվել էր զանգվածային բռնի տեղահանումը: Շուրջ 9 ամիս տևած շրջափակման պատճառով շատերը ունեին վառելիքի խնդիր:

Խնդիրը համակարգված լուծելու համար Արցախի տեղեկատվական շտաբը սեպտեմբերի 25-ի առավոտյան հայտնել էր, որ ՀՀ տեղափոխվել ցանկացող բոլոր քաղաքացիներին տրվելու է այդ հնարավորությունը եւ ժամը 14:00-ից Ստեփանակերտի թվով 5 բենզալցակայանում նրանց կտրամադրվի անվճար վառելիք:

Վառելիքի ստացման նպատակով քաղաքացիների մեծ խցանումներ էին առաջացել բենզալցակայանների մերձակա տարածքներում: Կատարվածի վերաբերյալ տարբեր վարկածներ են շրջանառվում, սակայն առ այսօր չկա հստակ պար-

զաբանում, թե ինչի հետեւանքով է տեղի ունեցել պայթյունը:

Ստեփանակերտից ոչ հեռու գտնվող բենզինի պահեստի տարածքում տեղի ունեցած հուժկու պայթյունի հետեւանքով զրանցվել է 218 գոհ, 120 վիրավոր, 21 անհետ կորած:

Ս. ՊԵՏԵՐԲՈՒՐԳՈՒՄ ԳՏԵԼ ԵՆ ԲՈՐԻՍ ԱՎԱԳՅԱՆԻ ՄԱՐՄԻՆԸ

Թելեգրամյան ալիքները գրում են, որ երեկ Սանկտ Պետերբուրգում Հայաստանի հյուպատոսության շենքում մահացած են գտել փախուստի դիմած Արցախի նախագահի հատուկ հանձնարարությունների գծով նախկին ներկայացուցիչ Բորիս Ավագյանին:

Ավելի վաղ նա փախել էր դատարանից, որտեղ նրան պետք է խափանման միջոց ընտրեին ավելի քան 4,2 միլիարդ ռուբլի մաքսատուրքերի վճարումից խուսափելու գործով: Դեռ երեկ Ավագյանը տեսա-

նությամբ տարածեց՝ հայտնելով, որ գտնվում է Սանկտ Պետերբուրգում Հայաստանի հյուպատոսության շենքում եւ խնդրում է իրեն արտահանձնել Հայաստան:

Նախնական տվյալներով՝ Բորիս Ավագյանը ինքնասպան է եղել:

Տեղեկացնենք, որ Ավագյանը հետախուզվում էր Երեւանում սահմանի անօրինական հատման եւ փողերի լվացման համար:

Հիշեցնենք, որ Բորիս Ավագյանը եղել է Արցախի Հանրապետության նախագահի հատուկ հանձնարարությունների գծով ներկայացուցիչ, նախագահ Բակո Սահակյանի խորհրդականը, իսկ վերջին տարիներին էլ ծառայության էր անցել ԱՀ ՆԳՆ ԱԻՊԾ-ում՝ զբաղեցնելով ԱԻՊԾ պետի տեղակալի պաշտոնը: 2020 թվականի պատերազմից հետո էլ Ավագյանը միջամտել էր գերիների փոխանակման եւ գերիներին Բաքվից վերադարձնելու գործընթացների կազմակերպմանը: Նա մշտապես ներկա էր գտնվում գերիների փոխանակման ու վերադարձման քննարկումներին եւ մի շարք գերիների վերադարձը հնարավոր եղավ նրա եւ ռուս գեներալ Մուրադովի բանակցությունների արդյունքում:

Նյութերը՝ ՆԱՆԻԿ ԱՐԱՍՅԱՆԻ

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 15 պատահար, 1 մարդ մահացել է, 19-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՏՆՏԵՍՈՒԹՅՈՒՆ

ԱՊՐԱՆՔՆԵՐԻ ԸՐՋԱՆԱԹՈՒԹՅՈՒՆԸ ՄԱՅԻՍԻՑ ԱՃԵԼ Է

Ռուսաստանի եւ Իրանի միջեւ ապրանքաշրջանառությունը, մայիսին ազատ առևտրի գոտու (ԱԱԳ) մասին համաձայնագրի ուժի մեջ մտնելուց հետո, տարեկան կտրվածքով աճել է 35%-ով, այդ թվում՝ Ռուսաստանի արտահանումը՝ 50%-ով:

Այս մասին հայտարարել է Ռուսաստանի Ղաշնուբյան տնտեսական զարգացման նախարար Մաքսիմ Ռեշետնիկովը՝ Իրանի արդյունաբերության, հանքերի եւ առևտրի նախարար Սեյեդ Մոհամմադ Աբաբակի հետ հանդիպման ժամանակ:

Այս մասին հայտնում է ՌԴ Տնտեսական զարգացման նախարարության մամուլի ծառայությունը:

«Արդեն այսօր մենք տեսնում ենք համաձայնագրի իրականացման դրական արդյունքը. դրա գործադրման առաջին եռամսյակի ընթացքում ռուս-իրանական ապրանքաշրջանառությունն աճել է 35%-ով՝ նախորդ տարվա նույն ժամանակահատվածի համեմատ: Միեւնույն ժամանակ, Ռուսաստանի արտահանումը Իրան աճել է 50%-ով: Եվ այս ցուցանիշները դեռ վերջնական չեն», - նշել է Ռեշետնիկովը:

Նախարարի կարծիքով՝ համաձայնագրի հետագա արդյունավետ գործարկման համար հատուկ ուշադրություն պետք է դարձնել տեխնիկական կարգավորման համակարգերի, սանիտարական եւ ֆիտոսանիտարական միջոցառումների համաժամեցմանը, մաքսային վարչարարության պարզեցմանը, էլեկտրոնային առևտրի զարգացմանը եւ թվային հարթակների ստեղծմանը:

Սեյեդ Մոհամմադ Աբաբակը կողմ է արտահայտվել փոխհաշվարկների անխափան համակարգի զարգացմանը, ստանդարտների մերձեցմանը եւ համագործակցության ընդլայնմանն արդյունաբերության առաջնահերթ ճյուղերում:

Porsche-ի ԸՆԴՈՒԹԱՔԵՐՈՒԹՅԱՆ ԿԱՆԽԱՏԵՍՈՒՄՆԵՐԸ ԴՐԱԿԱՆ ՉԵՆ

Գերմանական լյուքս դասի ավտոմեքենաներ արտադրող Porsche AG-ն հաստատել է 2025 թվականի եկամուտների կանխատեսումը՝ 37-38 մլրդ եվրոյի մակարդակում:

Միաժամանակ ընկերությունը վատթարացրել է օպերացիոն շահութաբերության կանխատեսումը. այժմ այն սպասվում է մինչև 2%, մինչդեռ ավելի վաղ կանխատեսվում էր 5-7%:

Ավտոմոբիլային գործառնությունների EBITDA-ի շահութաբերությունը կանխատեսվում է 10.5-12.5% միջակայքում՝ նախկին 14.5-16.5% փոխարեն:

Ընկերության փոխանցմամբ՝ կանխատեսումների վատթարացումը կապված է նոր էլեկտրամոբիլային հարթակի մշակման ժամանակացույցի փոփոխության հետ, որը նախատեսվում է 2030-ական թվականներին:

ՄԻՋՈՑԱՌՈՒՄԸ ԿԱՅԱՑԵԼ Է Fastex-ի ԱԶԱԿՑՈՒԹՅԱՄԸ

ՀՖՀՀ-ի ԳԻՊԼՈՄՆԵՐԻ ՀԱՆՁՆՄԱՆ ԱՐԱՐՈՂՈՒԹՅՈՒՆԸ

Մ.թ. սեպտեմբերի 16-ին Օդեսայի եւ բալթի ազգային ակադեմիական թասրոնի դաշիճում «Ֆասթեքս» ազակցությամբ կրկին սեղի է ունեցել «Կոմիսսա» անունը կրող ԵՐԶԱՆԱՎԱՐՏՆԵՐԻ դիտյումների հանձնման արարողությունը:

Այս տարի դիպլոմներ են հանձնվել մարքեթինգի եւ կառավարման, ինչպես նաեւ ԻԿՄ, իրավագիտության եւ ֆինանսների ֆակուլտետների ուսանողներին:

Հայաստանում ֆրանսիական համալսարանի ռեկտոր Սալվա Նակուզին, շնորհավորելով ուսանողներին ու նրանց ծնողներին, նշեց, որ այս տարվա դիպլոմների հանձնման արարողությունը բացառիկ է, քանի որ այս տարի նշում են համալսարանի 25-ամյակը: Նա իր խոսքում ասել է. «Ֆասթեքսը ՀՀՀ-ի ամենակարեւոր եւ երկարաժամկետ գործընկերից է: Բաղալյան եղբայրները մեծ հետաքրքրություն են ցուցաբերում մեր համալսարանի նկատմամբ եւ կատարել են շատ ներդրումներ: Նրանք ամեն տարի մեզ տրամադրում են կրթաթոշակներ: «Ֆասթեքսում» աշխատում են ՀՀՀ-ի շատ շրջանավարտներ, ովքեր զբաղեցնում են նախագծերի ղեկավարների պաշտոններ եւ «Ֆասթեքսի» համար շատ կարեւոր աշխատակիցներ են: Ես ամենայն անկեղծությամբ ցանկանում եմ շնորհակալություն հայտնել «Ֆասթեքսին» համատեղ աշխատանքի եւ Հայաստանին ու հայ երիտասարդությանն իրենց նվիրման համար:

Առջեւում սպասվում են ավելի հետաքրքիր համագործակցություններ: Մեծ հույս ունեմ ապագայում ավելի ամրապնդելու մեր գործակցությունը՝ շատ կարեւոր թեմաների շրջանակում, ինչպիսին են արհեստական բանականությունը, բլոքչեյնը: Եվս մեկ անգամ շատ շնորհակալ եմ ձեր նվիրվածության եւ վստահության համար»:

«Բաղալյան եղբայրներ» ընկերությունների խմբի խորհրդի անդամ Վախթանգ Աբրահամյանը հանդես է եկել ելույթով.



«Մեզ համար կրթությունը ոչ միայն արժեք է, այլեւ ներդրում ապագայում: Վստահ ենք, որ գիտելիքը մեր ժամանակների ամենահզոր արժույթն է: Հենց կրթությունն է, որը թույլ է տալիս արարել, ստեղծել եւ այսօրվա մարտահրավերները վերափոխել վաղվա հնարավորությունների», - իր խոսքում նշել է նա:

Հիշեցնենք, որ «Բաղալյան եղբայրներ» ընկերությունների խումբը 2021 թ.-ից սկսած աջակցում է Հայաստանում ֆրանսիական համալսարանի շրջանավարտների դիպլոմների հանձնման միջոցառմանը: «Ֆասթեքսի» հիմնադիր Վիգեն Բաղալյանը հանդիսանում է համալսարանի հոգաբարձուների խորհրդի անդամ: Ընկերությունների խումբն ամեն տարի կրթաթոշակներ է հատկացնում ինչպես համալսարանի ուսանողներին, այնպես էլ ասպիրանտներին: 2020 թ.-ին ընկերությունների խումբը ճանաչվել է երկրորդ գործատուն՝ համալսարանի շրջանավարտների ներգրավվածության ցուցանիշով: Ընկերությունը հանդիսանում է համալսարանի թոփ գործատուներից եւ այս պահին «Ֆասթեքսում» աշխատում է ՀՀՀ-ի ավելի քան

երեսուն շրջանավարտ: Բացի դրանից, «Ֆասթեքսը» մշտապես մասնակցություն է ունենում ՀՀՖ-ի աշխատանքի տոնավաճառներին: Համալսարանի ուսանողները պարբերաբար հանդիպումներ են ունենում «Ֆասթեքսի» թիմերի հետ: Արդեն կայացել է երկու հանդիպում «Ֆասթեքսի» իրավաբանական բաժնի հետ: Մասնագետները անդրադարձել են աշխատանքին վերաբերող մանրամասներին, կիսվել իրենց փորձով:

Fastex-ի մասին

Fastex-ն արագ զարգացող Web3 էկոհամակարգ է, որն իր օգտատերերին տալիս է հսկայական հնարավորություններ եւ հարմարավետ միջավայր՝ առաջարկելով Fastex Exchange կրիպտո փոխանակման հարթակը, Fastex Card-ը, Yo Wallet-ը եւ fNFT-ն՝ իր հարթակներում եւ ֆիջիթալ սփեյսերով, ինչպես նաեւ YoHealth՝ առողջ ապրելակերպը խթանող հավելվածը: Fastex-ը կարելու է անվտանգ եւ հուսալի միջավայրի ապահովումը համաշխարհային թվային ֆինանսների զարգացող աշխարհում մշտապես հետեւելով ոլորտի միտումներին:

«ԵՐԵՒԱՆԵՐԻ ԻՐԱՎՈՒՆՔՆԵՐԻ ՊԱՇՏՊԱՆՈՒԹՅԱՆ» ՎԵՐԱԲԵՐՅԱԼ

ԽՈՐՀՐԴԱՐԱՆԱԿԱՆ ԼՍՈՒՄՆԵՐ՝ ԱԺ-ՈՒՄ

Երեւանների իրավունքների դաշնային ոլորտում գործունեություն իրականացնող ժողովրդի կողմերի մասնակցությամբ Ազգային ժողովում սեղի են ունեցել խորհրդարանական լսումներ՝ «Երեւանների իրավունքների դաշնային ոլորտում ղեկավարվող վերաբերելի փառապանությունը» թեմայով:

Օրակարգում ներառված է եղել աշխատանքի եւ սոցիալական հարցերի նախարարության կողմից՝ ՄԱԿ-ի մանկական հիմնադրամի աջակցությամբ մշակված եւ ԱԺ կողմից առաջին ընթերցմամբ ընդունված «ՀՀ ընտանեկան օրենսգրքում փոփոխություններ եւ լրացումներ կատարելու մասին», «Երեւանի իրավունքների եւ երեխայի պաշտպանության համակարգի մասին» օրենքն ընդունելու եւ հարակից օրենքներում լրացումներ կատարելու մասին նախագծերի փաթեթը:

Անդրադառնալով նախատեսվող բարեփոխումների իրականացման անհրաժեշտությանը՝ աշխատանքի եւ սոցիալական հարցերի նախարար Արսեն Թորոյանն ընդգծել է երեխաների պաշտպանության կարեւորությունը՝ շեշտելով, որ այն պարզապես սոցիալական քաղաքականու-

թյուն չէ, այլ ՀՀ սոցիալ-տնտեսական զարգացման, անկախության, անվտանգության եւ բարեկեցիկ ապագայի հիմքը: Նախարարը նաեւ նշել է, որ Հայաստանի Հանրապետությունը վճռական հանձնառություն է ստանձնել երեխաների իրավունքների ներառման, արդարության եւ պաշտպանության սկզբունքների պահպանման հարցում՝ ոլորտային քաղաքականության առանցքում դիտարկելով երեխայի լավագույն շահի ապահովումը:

Իր ելույթում աշխատանքի եւ սոցիալական հարցերի նախարարի տեղակալի ժամանակավոր պաշտոնակատար Տաթևիկ Ստեփանյանը նշել է, որ օրենսդրական փոփոխությունները լիովին համահունչ են ՀՀ-ի կողմից ստանձնած միջազգային պարտավորություններին եւ վկայում են բովանդակային բարեփոխումների ուղին շարունակելու պետության վճռականության մասին:

«Երեխաների իրավունքների պաշտպանության ոլորտում իրականացվող քաղաքականության առանցքում երեխայական տարրն պետական համակարգի ստեղծումն է, որտեղ յուրաքանչյուր որոշման հիմքում դրված է երեխայի լավագույն շահը: Այս օրենսդրական բարեփոխումները

վերաբերում են շուրջ 700 հազար երեխայի կյանքին ու ապագային՝ սահմանելով ոչ միայն վերջիններիս պաշտպանված լինելու իրավունքը, այլ նաեւ արժանապատիվ զարգանալու, կրթվելու եւ ներուժը բացահայտելու հնարավորությունը՝ ցանկացած բռնությունից զերծ միջավայրում», - նշել է Տաթևիկ Ստեփանյանը:

Տաթևիկ Ստեփանյանը մանրամասնել է երեխաների իրավունքների պաշտպանության ոլորտում համայնքի դերի բարձրացման, ինչպես նաեւ խնամատարության ինստիտուտի, որդեգրման գործընթացի, ինչպես նաեւ երեխաների իրավունքների պաշտպանության ոլորտում գործունեություն իրականացնող մի շարք գերատեսչությունների գործառնությունների վերաբերյալ նախագծերի փաթեթով նախատեսված փոփոխությունները: Այս համատեքստում ընդգծվել է նաեւ ներդրվելիք տեղեկատվական համակարգի կարելությունը, ինչը համայնքային մակարդակում մեծ կարեւորություն կունենա երեխայի պաշտպանության դեպքի վարման, երեխային կարիքահենք ծառայությունների տրամադրման, մշտադիտարկման, հաշվետվողականության ու թափանցիկության ապահովման գործում:

● «Ժողովուրդ» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

20-րդ դարի ՈՍԿԵ ԵՐԱԺԻՇՏԸ

ԱՅՍՕՐ ՀԱՆՃԱՐԵՂ ԳԼԵՆ ԳՈՒԼԴԻ ԾՆԵՂՅԱՆ ՕՐՆ Է

Գլեն Գուլդը 20-րդ դարի երկրորդ կեսի ամենահայտնի դաճակահարներից մեկն է. կասարող-նոսրար, երաժիշտ, ով նոր դարաշրջանի բացեց Բախի ստեղծագործությունների ընթերցմամբ: Նրա նվագազանկում, բացի Բախից, առանձնահատուկ տեղ են զբաղեցնում Բեթհովենի բոլոր կոնցերտները և բազմաթիվ սոնատներ:

Այսօր՝ սեպտեմբերի 25-ին, Նշվում է Գլեն Գուլդի ծննդյան 93-րդ տարեդարձը: «Ժողովուրդ» օրաթերթը ներկայացնում է նախորդ դարի ամենաունիկալ երաժիշտներից մեկի կյանքի և ստեղծագործական ուղու մասին:

Երիտասարդ հասակում Գուլդը բավականին հանգիստ ու փակ երեխա էր, ինչը հաճախ ընկալվում էր որպես առանձնահատկություն՝ «այլմիտության» երեխայի նման: Գուլդի համար երաժշտությունը պարզապես նվագել չէր Նշանակում, այն եղել է աշխարհը բացահայտելու ու ինքնարտահայտվելու միջոց: Նա նվագում էր Բախի, Բեթհովենի, Ալբան Բերգի ստեղծագործությունները, և միշտ ձգտում էր բացահայտել երաժշտության նոր կողմերը՝ նույնիսկ ամենահայտնի ստեղծագործությունը դարձնելով յուրահատուկ:

Գուլդը սկսեց ուսումնասիրել երաժշտական գրականություն երեք տարեկանից՝ մոր աջակցությամբ, քանի որ մորական կողմից ժառանգել էր նաեւ երաժշտական գենը: Նվագելիս երաժշտությանը «ծայնակցելու» սովորությունը նրա հետ մնաց ողջ կյանքի ընթացքում. երբ լսում էք Գուլդի՝ Բախ նվագելու նրա ուշ շրջանի ձայնագրությունները, կարող եք լսել, թե ինչպես է նա «ծայնակցում» երաժշտությանը:

Դեռեւս պատանի տարիքում ապագա վոնդերկինդը մոր օգնությամբ 11 տարեկանում ընդունվեց Տորոնտոյի թագավորական կոնսերվատորիա, որտեղ սովորում էր երգեհոն և դաշնամուր: Նրա ուսուցիչները՝ Ֆրեդերիկա Միլվետտին և Ալբերտ Ջեյմսոնը, մեծ ուշադրություն էին դարձնում մասնորոնումը և տեխնիկայի հստակությանը: Գուլդը սովորեց եւս մեկ հմտություն. դաշնամուրի առջեւ՝ նստարանին, նստել շատ ցածր, ինչը նրան թույլ էր տալիս առավել ճշգրիտ նվագել, ազդում էր դաշնամուրի ստեղծների ու հնչող յուրաքանչյուր նոտայի վրա:



Երիտասարդ տարիքում Գուլդը սկսեց ձայնագրություններ անել՝ առաջին հաջողությունը ստանալով 1955-ին՝ Բախի «Գուլդերգի վարիացիաներով», ինչը նորարար կատարում էր:

Գլեն Գուլդի կատարողականությունը եզակի էր. նա կարող էր միաժամանակ նվագել երեք անկախ մեղեդի, այնպես, որ յուրաքանչյուր նոտա հստակ ու լսելի մնար: Նա յուրօրինակ վերաբերմունք ուներ «անլսելի» հանդեպ՝ ուշադրություն դարձնելով դադարներին, որոնք ինքնին դառնում էին երաժշտության մասը: Գուլդը ձայնիկ էր, ուստի ձայն ձեռքի համար գրված երկրորդական մասերը նրա համար ավելի հեշտ էին, քան մյուս դաշնակահարների համար: Բեթհովենի երրորդ դո միներ կոնցերտում նրա յուրօրինակ մոտեցումը փոխում է ամբողջ երաժշտական հյուսվածքը՝ ներկայացնելով Բեթհովենին ավելի «մարդկային ու կենդանի»:

Գուլդը հաճախ էր ելույթներ տալիս միայն ինքուրույն կամ ձայնագրությունների միջոցով՝ խուսափելով զանգվածային լսարանի հետ շփումներից: 1964-ին նա ընդհատեց համերգային գործունեությունը՝ ամբողջովին նվիրվելով ստուդիայի ձայնագրություններին, որտեղ մշտապես կատարելագործում էր իր կատարողականությունը: Նրա հայտնի ձայնագրությունները

ներից են Բախի «ֆուգայի արվեստը» և «Գուլդերգի վարիացիաների» տարբերակները:

Գուլդի երաժշտության մեջ գերակշռում է ներդաշնակությունը և սերը երաժշտության նկատմամբ: Նա փորձում էր ներկայացնել բարոկկոյի աշխարհը՝ որպես մաքուր, ստեղծագործական ու համաչափ համակարգ, որտեղ յուրաքանչյուր նոտա և դադար ունենում են իրենց կարելու ու հստակությունը: Երաժշտագետները համարում են, որ նրա՝ Բախի կատարումները, օրինակ, ցուցադրում են երաժշտության լուր ու հնչել մակարդակների ներդաշնակությունը և շարունակում են մնալ անգնահատելի արժեք ինչպես երկրի վրա, այնպես էլ հեռավոր տիեզերքում՝ 1977-ի «Վոյաջեր»-ների սկավառակների միջոցով:

Գլեն Գուլդը մահացել է 1982-ին՝ իր կյանքի 50-րդ տարեդարձից երկու օր անց՝ թողնելով երաժշտության պատմության մեջ անմոռանալի հետք: Նրա գերեզմանի վրա փորագրված են «Գուլդերգի վարիացիաների» առաջին տեքստերը:

Անպայման լսեք Գլեն Գուլդի կատարումները, և դուք կզգաք, թե ինչպես է նրա նվագը արձագանք գտնում մարդկային հոգու խոր շերտերում՝ հիշեցնելով մեզ կյանքի ամենակարեւոր բաների մասին:

ԷՄՍԱ ՄԻՔԱՅԵԼՅԱՆ

ԱՐԿԵՍՏ ԵՎ ԺԱՄԱՆՑ

ՄԱՀԱՑԵԼ Է ԿԼԱՌԻԴԻԱ ԿԱՐԴԻՆԱԼԵՆ

Կյանքից հեռացել է Անրի Վեռնոյի «Մայրիկ» ֆիլմի մայրիկին մարմնավորած Կլաուդիա Կարդինալեն:

Աշխարհահռչակ իտալուհին 87 տարեկանում է մահացել, Փարիզի մոտ գտնվող Նեմուր քաղաքի իր տանը:

2010 թվականին համաշխարհային լեգենդը «Ոսկե ծիրան» միջազգային կինոփառատոնին մասնակցելու համար Յալաստան էր եկել: Փառատոնն այդ տարի նվիրված էր Յայոց գեղասպանության 95-ի Անրի Վեռնոյի 90-ամյակներին:

Կլաուդիա Կարդինալենի նկարահանել են աշխարհահռչակ ռեժիսորներ՝ Ֆեդերիկո ֆելինի, Լուկիո Վիսկոնտին: Նկարա-

հանվել է «Վարդագույն հովազ», «Կրկեսի աշխարհ» և այլ ֆիլմերում:

ԳԵՂԱՐՎԵՍՏԻ ԱԿԱԳԵՄԻԱՆ 80 ՏԱՐԵԿԱՆ Է

Յայաստանի գեղարվեստի պետական ակադեմիան (ՅԳՊԱ) այս տարի Նշում է իր հիմնադրման 80-րդ հոբելյանը:

Ակադեմիան սեպտեմբերի 24-ին՝ ժամը 17:00-ին, Գ. Սուրդուկյանի անվան ազգային ակադեմիական թատրոնում 2024-2025 թթ. ուստարվա շրջանավարտների դիպլոմների հանձնման հանդիսավոր արարողությամբ մեկնարկել է 80-ամյակին նվիրված միջոցառումները:

Միջոցառումը ներառել է ՅԳՊԱ գործունեությանը նվիրված անիմացիոն տեսա-

հոլովակի շնորհանդես, ողջույնի խոսքերով հանդես եկան ՅՅ կրթության, գիտության, մշակույթի և սպորտի նախարար Ժաննա Անդրեասյանը և ՅԳՊԱ ղեկավար Վարդան Ազատյանը: Տոնական ծրագրի ընթացքում ներկայացվեց ՅԳՊԱ «Բարեկամների միությունը», որը նպատակ ուներ ամրապնդելու համագործակցությունը կրթական, մշակութային և հասարակական կառույցների հետ: Ավելի քան 200 ուսանողների հանձնվեցին դիպլոմներ մշակույթի և արվեստի ոլորտի հատուկ հյուրերի ուղեկցությամբ:

Միջոցառման ընթացքում Յայաստանի գեղարվեստի պետական ակադեմիան և «Յոսք» հիմնադրամը ստորագրեցին համագործակցության հուշագիր, որի նպատակն էր միավորել կրթությունը, արվեստը, նորարարությունն ու փորձարարական ստեղծագործական պրոցեսները:

ՄԱՐԶԱԿԱՆ

ՀՖԿՄՊԻ ՈՒՄԱՆՈՂՆԵՐԸ ԴԱՐՁԵԼ ԵՆ ՄԵԴԱԼԱԿԻՐՆԵՐ

Յայաստանի ֆիզիկական կուլտուրայի և սպորտի պետական ինստիտուտի (ՀՖԿՄՊԻ) ուսանողները դարձել են Երեւանում անցկացված 2025 թվականի Եվրոպայի համալսարանների շախմատի առաջնության ոսկե մեդալակիրներ՝ թե՛ տղաների, և թե՛ աղջիկների մրցապայքարում:

ՀՖԿՄՊԻ-ի տղաների թիմի կազմում առաջնությանը մասնակցել են Շանթ Սարգսյանը և Մամիկոն Ղարիբյանը, իսկ աղջիկների թիմում՝ Մարիամ Ավետիսյանը և Մարիամ Խաչատրյանը: Թիմի մարզիչը մարմնամարզության, սպորտային պարերի, գեղասահքի և շախմատի ամբիոնի դոցենտ Երվանդ Յակոբյանն էր:

Գերատեսչության տվյալներով՝ առաջնությանը մասնակցել է 17 երկրի 32 համալսարանի 40 թիմ: Յայաստան է ժամանել շուրջ 120 պատվիրակ: Առաջնությունը կազմակերպվել է Եվրոպական համալսարանական սպորտի ասոցիացիայի (EUSA), Յայաստանի ուսանողական մարզական ֆեդերացիայի և ՀՊՏՀ նախաձեռնությամբ, մասնագիտական աջակցություն է ցուցաբերել Յայաստանի շախմատի ակադեմիան:

«ՈՍԿԵ ԳՆԴԱԿ»

Ֆրանսիայի մայրաքաղաք Փարիզում կայացավ հեղինակավոր «Fran9e Football»-ի «Ոսկե գնդակ»-ի պաշտոնական մրցանակաբաշխությունը:

«Շատել» թատրոնում կայացած մրցանակաբաշխության ժամանակ մինչև 21 տարեկան լավագույն ֆուտբոլիստի մրցանակին՝ Kopa Trophy-ին արժանացան «Բարսելոնա»-ի ֆուտբոլիստները՝ տղամարդկանց թիմի անդամ Յամին Յամալն ու կանանց թիմի խաղացող Վիկի Լոպեսը:

Տարվա լավագույն մարզիչը տղամարդկանց ֆուտբոլում ՊՍԺ-ի գլխավոր մարզիչ Լուիս Էնրիկեն է, իսկ կանանց ֆուտբոլում՝ Անգլիայի կանանց ֆուտբոլի ազգային հավաքականի գլխավոր մարզիչ Սարինա Վիգմանը:

Լավագույն տղամարդ դարպասապահ ճանաչվեց «Մանչեսթեր Սիթի»-ի խաղացող Ջանլուիջի Դոնարուման, որը նախորդ մրցաշրջանն անցկացրել է ՊՍԺ-ի կազմում, իսկ կանանց ֆուտբոլի լավագույն դարպասապահի մրցանակին արժանացավ «Չելսի»-ից Յանա Յեմիթոնը:

Անցած մրցաշրջանի լավագույն թիմերն են «Արսենալ»-ի կանանց թիմն ու ՊՍԺ-ի տղամարդկանց թիմը:

Կանանց ֆուտբոլի «Ոսկե գնդակ»-ին այս անգամ արժանացավ Իսպանիայի հավաքականի եւ «Բարսելոնա»-ի խաղացող Այտանա Բոնմատին, որն այս մրցանակին արժանանում է երրորդ տարին անընդմեջ:

Տղամարդկանց ֆուտբոլի «Ոսկե գնդակ»-ը նվաճեց ՊՍԺ-ի հարձակվող Ուսման Դեմբելեն:

Ներկաները նաեւ հարգանքի տուրք մատուցեցին կյանքից անժամանակ հեռացած Պորտուգալիայի ազգային թիմի ֆուտբոլիստ, «Լիվերպուլ»-ի հարձակվող Դիոգու Ժոտայի եւ «Մանչեսթեր Յունայթեդ»-ի նախկին հարձակվող Դենիս Լոուի հիշատակին:

● **Յոկտեմբերի 4-ին՝ 19:00-ին, Յ. Ղափլանյանի անվան դրամատիկական թատրոնում տեղի կունենա «Սերը տարիք չի հարցնում» ներկայացումը: Տոմսերի արժեքը՝ 3.000, 4.000 դրամ:**

ՍՈՑԻԱԼԱԿԱՆ

ՀԱՐՑ. Անչափահասին կամ անգործունակ կամ սահմանափակ գործունակ անձին կենսաթոշակ նշանակելու համար ո՞վ ոլեսք է դիմի կենսաթոշակ նշանակող մարմին:
Իսկուհի Չայրապետյան (47 տարեկան)



ՊԱՏԱՍԽԱՆ. Քաղաքացու հարցին ի պատասխան՝ տեղեկացնում ենք, որ անգործունակ կամ սահմանափակ գործունակ կամ մինչեւ 14 տարեկան անչափահաս անձին կենսաթոշակ նշանակելու համար նրա հաշվառման վայրի կենսաթոշակ նշանակող ստորաբաժանում գրավոր դիմում է ներկայացնում ծնողը (որդեգրողը կամ խնամակալը կամ հոգաբարձուն): Եթե անչափահաս կամ անգործունակ կամ սահմանափակ գործունակ անձի օրինական ներկայացուցիչը համապատասխան կազմակերպությունն է (մանկատունը կամ հոգեբուժարանը), որտեղ գտնվում է անչափահաս կամ անգործունակ կամ սահմանափակ գործունակ անձը, նրան կենսաթոշակ նշանակելու համար գրավոր դիմումը եւ անհրաժեշտ փաստաթղթերը կազմակերպության գտնվելու վայրի կենսաթոշակ նշանակող ստորաբաժանում է ներկայացնում այդ կազմակերպության ղեկավարը կամ նրա լիազորած անձը: 14 տարեկան անձն իրավունք ունի կենսաթոշակ նշանակելու համար դիմել անձամբ:

ՀՀ աշխատանքի եւ սոցիալական հարցերի նախարարություն

«ԺՈՂՈՎՈՒՐԳ». Կենսաթոշակ նշանակող ստորաբաժանումում նա լրացնում է աշխատակցի տրամադրած դիմումի ձեւը, որից հետո նրան է վերադարձվում դիմումի ծանուցումը, որտեղ նշվում է դիմումի գրանցման համարը, ընդունման ամսաթիվը, ընդունող աշխատակցի ազգանունը, անհրաժեշտության դեպքում՝ լրացուցիչ փաստաթղթեր ներկայացնելու ժամկետը:



	Շիրակ	+ 2 + 6 +16 + 20
	Կոտայքի լեռներ	+ 2 + 4 +17 + 21
	Կոտայքի նախալեռներ	+ 6 + 9 +20 + 23
	Գեղարքունիք	+ 1 + 5 +16 + 19
	Լոռի	+ 2 + 6 +16 + 19
	Տավուշ	+ 4 + 12 +21 + 24
	Արագածոտնի լեռներ	+ 2 + 4 +17 + 19
	Արագածոտնի նախալեռներ	+ 5 + 10 +21 + 24

	Արարատ	+7 + 11 +22 + 26
	Արմավիր	+ 6 + 10 +22 + 26
	Վայոց ձորի լեռներ	+ 2 + 5 +17 + 19
	Վայոց ձորի նախալեռներ	+ 8 + 11 +21 + 25
	Սյունիքի հովիտներ	+ 9 + 13 +22 + 26
	Սյունիքի նախալեռներ	+ 5 + 8 +18 + 21
	ԼՂՀ	+ 9 + 12 +22 + 25
	Երեւան	+11 + 13 +19 + 23

ԿԱՐԳ

ՀԱՐՑ. Ի՞նչ կարգով է որոշվում երեխայի նկատմամբ հայրությունը:
Լիանա Աթաբեկյան (38 տարեկան)



ՊԱՏԱՍԽԱՆ. Հայրության ճանաչման պետական գրանցման հիմքերն են՝
1) երեխայի ծննդյան պահին ամուսնության մեջ չգտնվող մոր եւ երեխայի նկատմամբ իրեն հայր ճանաչող անձի համատեղ հայտարարությունն առ այն, որ երեխան սերվել է հայտարարություն ներկայացնող անձից,
2) ՀՀ օրենքով նախատեսված դեպքերում մոր հետ ամուսնության մեջ չգտնվող՝ երեխայի նկատմամբ իրեն հայր ճանաչող անձի հայտարարությունն առ այն, որ երեխան սերվել է իրենից,
3) «Նոտարիատի մասին» օրենքով սահմանված կարգով Նոտարի հաստատած իրավաբանական փաստի մասին Նոտարական ակտը կամ դատարանի՝ օրինական ուժի մեջ մտած համապատասխան վճիռը:
Եթե երեխայի ծնունդը գրանցել է օտարերկրյա պետությունը, ապա հայրության ճանաչման պետական գրանցումը կարող է կատարվել Հայաստանի Հանրապետությունում, եթե այլ բան նախատեսված չէ Հայաստանի Հանրապետության միջազգային պայմանագրերով:
ՀՀ արդարադատության նախարարություն

«ԺՈՂՈՎՈՒՐԳ». Օտարերկրյա պետության գրանցած ծննդյան ակտային գրանցման հիման վրա կատարված հայրության ճանաչման պետական գրանցման դեպքում դիմողին տրամադրվում է հայրության ճանաչման վկայական, եւ կատարված հայրության ճանաչման պետական գրանցման մասին հաղորդվում է երեխայի ծննդի ակտային գրանցման վայր՝ ՀՀ միջազգային պայմանագրերով սահմանված կարգով:

ԼՈՒՐ ԿԱՂԻ

Լուսանկարը՝ համացանցից



Հիշեցում բոլորի համար:
Բնությունը պաշտպանում է մեզ, մենք էլ պարտավոր ենք նրան պաշտպանել:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայփոստ» ՊԺԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-53-01

Առաքումը՝ **ԱՆՎՃԱՐ:**



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (**010 54-64-23** հեռախոսահամարով), եւ մենք անպայման կանդրադառնանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը:

Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____

Ազգանուն՝ _____

Առաքման հասցե՝ _____

Բջջային եւ/կամ քաղաքային հեռախոս՝ _____

Լրատվական գործունեություն իրականացնող՝
«Ժողովուրդ թերթի խմբագրություն» ՍՊԸ
Հասցեն՝ ք. Երեւան, Արշակունյաց 22՝/3, հեռ՝ **010 54-64-23**
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության **24.9.2025**
Տպաքանակ՝ 3968

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրայնություն եւ չեն վերադարձվում, **Գ** նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը. «Շարունակությունը կարող եք կարդալ «Ժողովուրդ» օրաթերթի այսօրվա համարում»:

8

25 սեպտեմբերի հինգշաբթի 2025